

ՊՈՏՏԴԱՄԻ ԺՈՂՈՎԸ

Ե Ի

Հ Ա Յ Կ Ա Կ Ա Ն Հ Ա Ր Յ Ը

Ռէտյթրը Լոնդոնից հաղորդում է, թէ Պոտտզամի ժողովը շարունակում է իր աշխատանքները: Յրուժանը, Ստալինը և Զրբշիլը շարունակում են իրենց խօսակցութիւնները: Ժողովի խորհրդակցութիւնները մընում են կատարելագէտ քողարկած: Մոսկւայի կարեւոր թերթերը— «Իզվեստիա»-ն և «Կորմիր Աստղ»-ը, հրատարակել են միայն մի շարք նկարներ, որովհետև ցայժմ ոչ մի տեղեկութիւն չկայ Երեք Մեծերի խօսակցութիւնների ու որոշումների մասին: Գոմոլոնիստ կուսակցութեան օրգան՝ «Պրաւդա»-ն ևս մի յօդւածով անդրադարձել է Պոտտզամի ժողովին և այդ ժողովը վիժեցնել փորձողների արարքներին ու ջանքերին (Յօդւածի լրիւ թարգմանութիւնը՝ յաջորդիւ. — «Ալիք»):

Վերջին օրերում խօսւում է, որ Երեք Մեծերի շօշափած խնդիրների մէջ ներառւում են Քրիեօտից մինչև Թաօջէ տարածւող հողամասերին առնչւող հարցերը:

Ռէտյթրի քաղաքական բաժնի խմբագրապետը հաղորդում է, թէ Ամերիկայի «Հայ Յառաջադիմական Ազգային Խորհուրդը» առաջ-րկել է Երեք Մեծերին՝ Հայաստանի խնդիրը ևս ներառել Պոտտզամի ժողովի օրակարգի մէջ և հետեաքար կարող է պատահել, որ այդ խնդիրը քննւի Պոտտզամում: Լոնդոնի լաւատեղեակ շրջանակների կարծիքով, անցեալ Համաշխարհային Պատերազմից յետոյ թիւրքիային տրւած հայաբնակ Դարս և Արգանան նահանգների վերադարձման պահանջը դրւել է խորհրդային կառավարութեան կողմից՝ թիւրք-խորհրդային նոր բարեկամական համաձայնագիր կնքելու առթիւ տեղի ունեցած բանակցութիւնների պահուն: Լոնդոնում շրջան առած լուրերի համաձայն, Պոտտզամում պիտի քննւեն Խ. Միութեան և Թիւրքիային առնչւող խնդիրները և որովհետև Մոսկւայի ձայնացիւրից հաղորդել է «Հայ Յառաջադիմական Ազգային Խորհրդի» դիմումը, պիտի եզրակացնել, որ Խ. Միութեան գոհունակութիւն պիտի պատճառի այդ հարցի ներառումը՝ ժողովի օրակարգի մէջ: Այդուհանդերձ, Լոնդոնի դէտերի կարծիքով, Բերլին առաքւած նման հեռագիրները ոչ մի ազդեցութիւն չպիտի ունենան ժողովի օրակարգի վրայ:

Թերթերից մէկը իր առաջին էջը յատկացրել է Պոտտզամի ժողովին և գերման «Քրիստոնեայ Ինժնեթատների Միութիւն» կուսակցութեան նոր օրգանին: Նոյն թերթը հրատարակել է նաև ամերիկեան «Քրիստոնեայ Մայնս Մանիթթեր» թերթի յօդւածի շուրջ թասսի հաղորդած լուրերը, (Տես մեր երէկւայ թիւը՝ «Ալիք») որտեղ այդ թերթը իրաւացի է գտնում Խ. Միութեան Դարգանելի հսկողութեան վերաբերեալ արած առաջարկները: